

CYNGOR CAERDYDD

DEDDF SAFONAU A THREFNIADAETH YSGOLION (CYMRU) 2013

DARPARIAETH ANGHENION DYSGU YCHWANEGOL

YSGOL ARBENNIG THE HOLLIES

HYSBYSIR DRWY HYN, yn unol ag Adran 44 o Ddeddf Safonau a Threfniadaeth Ysgolion (Cymru) 2013 a'r Cod Trefniadaeth Ysgolion, bod Cyngor Caerdydd ("yr Awdurdod"), ar ôl ymgynghori â'r personau hynny yr oedd yn ymddangos iddo yn briodol, yn bwriadu newid y Ysgol Arbennig Hollies, Brynheulog, Pentwyn, Caerdydd, CF23 7XG fel a ganlyn:

- Cynyddu nifer dynodedig Ysgol Arbennig The Hollies o 90 i 119 o fis Medi 2022
- Cynyddu ymhellach nifer dynodedig Ysgol Arbennig The Hollies o 119 i 150 o fis Medi 2023.

Cynhelir yr ysgol gan Gyngor Caerdydd ar hyn o bryd.

Cynhaliodd yr Awdurdod gyfnod ymgynghori cyn penderfynu cyhoeddi'r cynnig hwn. Gellir gweld adroddiad ar yr ymgynghoriad sy'n cynnwys crynodeb o'r materion a godwyd gan yr ymgynghoreion, ymatebion yr Awdurdod a barn Estyn yma:

[Agenda'r Cabinet Ddydd Iau, 10 Mawrth, 2021, 2:00 pm: Cyngor Dinas Caerdydd \(modern.gov.co.uk\)](http://modern.gov.co.uk)

Ar hyn o bryd, capasiti'r ysgol yw 90 o leoedd. Nifer presennol y disgyblion yw 115.

Capasiti arfaethedig yr ysgol ar ôl gweithredu'r cynnig yn llawn fydd 150.

Bydd yr ysgol yn parhau i ddarparu lleoedd ar gyfer dysgwyr 4-11 oed sydd â Chyflwr Sbectrwm Awtistiaeth.

Mae plant yn cael eu dysgu mewn dosbarthiadau cymysg a gallai'r niferoedd fesul grŵp oedran amrywio, ond ni fyddai'r cyfanswm yn uwch na 150.

Does dim cynlluniau i newid polisi'r Cyngor ar dderbyn plant i'r ysgol yn sgil y cynigion hyn.

Rheolir derbyniadau i'r ysgol gan yr awdurdod lleol, yn amodol ar ddatganiad o Anghenion Addysgol Arbennig (AAA) neu Gynllun Datblygu Unigol (CDU) fel y bo'n briodol.

Bydd unrhyw drefniadau ar gyfer cludo disgyblion i'r ysgol yn cael eu gwneud yn unol â pholisïau presennol yr Awdurdod ar gludo plant i'r ysgol.

O fewn cyfnod o 28 diwrnod o ddyddiad cyhoeddi'r cynigion hyn, sef hyd at 02 Mehefin 2022, caiff unrhyw berson wrthwynebu'r cynigion hyn.

Dylid anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd, Neuadd y Sir, Glanfa'r Iwerydd, Caerdydd, CF10 4UW.

Gellir hefyd anfon gwrthwynebiadau at y Cyfarwyddwr Addysg a Dysgu Gydol Oes, Cyngor Caerdydd i'r cyfeiriad e-bost canlynol: ymatebionysgolion@caerdydd.gov.uk

Nodwch fod rhaid i unrhyw wrthwynebiadau o'r fath gynnwys enw llawn a chyfeiriad post yr un sy'n gwrthwynebu.

Bydd yr Awdurdod yn cyhoeddi crynodeb o unrhyw wrthwynebiadau o'r fath a wneir (ac nad ydynt wedi'u tynnu yn ôl yn ysgrifenedig) yn ystod y cyfnod gwrthwynebu, ynghyd â sylwadau'r awdurdod ar y gwrthwynebiadau hynny, cyn pen 7 niwrnod, gan ddechrau ar y diwrnod y penderfynir ar y cynnig.

Dyddiedig y 6ed o Fai 2022

Llofnod: Davina Fiore
Cyfarwyddwr Gwasanaethau Cyfreithiol, Llywodraethiant
a Swyddog Monitro Cyngor Caerdydd

NODYN ESBONIADOL

(Nid yw hwn yn rhan o'r Hysbysiad ond ei nod yw egluro'i ystyron cyffredinol)

Mae'r Hollies yn ysgol arbennig ym Mryn Heulog ym Mhentwyn. Mae'r ysgol yn derbyn disgyblion o bob rhan o Gaerdydd.

Mae'r ysgol wedi'i dynodi i ddarparu 90 o leoedd i ddysgwyr 4-11 oed sydd â chyflwr Sbectrwm Awtistiaeth.

Er mwyn ateb y galw am ddarpariaeth arbenigol i ddysgwyr sydd â chyflwr sbectrwm awtistiaeth, cynigir cynyddu'r nifer dynodedig o leoedd yn Ysgol Arbennig The Hollies o 90 i 119 o fis Medi 2022 a chynyddu'r nifer dynodedig ymhellach o 119 i 150 o fis Medi 2023.

Nifer y disgyblion yn yr ysgol yw 115 gyda disgyblion ychwanegol yn cael lle yn y lleoedd dysgu presennol.

Cynigir y byddai adeiladau'r ysgol yn cael eu hestyn i ddarparu ystafelloedd dosbarth ychwanegol, yn ogystal â gwaith sydd ar y gweill ar hyn o bryd i wella'r cyfleusterau presennol ac i sefydlu ystafelloedd dosbarth ychwanegol yn y lleoedd dysgu presennol. Byddai hyn yn galluogi hyd at 150 o blant i gael lle.

Mae'r cynnig hwn yn rhan o ystod o gynigion ar gyfer cynyddu nifer y lleoedd sydd ar gael i ddisgyblion sydd ag anghenion dysgu cymhleth a chyflwr sbectrwm awtistiaeth



Neuadd y Sir
Caerdydd,
CF10 4UW
Ffôn: (029) 2087 2088
www.caerdydd.gov.uk
County Hall
Cardiff,
CF10 4UW
Tel: (029) 2087 2087
www.cardiff.gov.uk

mewn nifer o ysgolion o fewn yr awdurdod lleol. Gellir gweld manylion y cynigion hyn a chopïau o'r hysbysiadau statudol ar y dudalen we yma: [Anghenion Dysgu Cymhleth/Darpariaeth Cyflwr Sbectrwm Awtistiaeth \(caerdydd.gov.uk\)](http://www.caerdydd.gov.uk)